

11. Sálbma árvalusat

Fuomáš! *Buoiddes čállagiin* leat mielddusin dán girjjázis.

Sálbmagirji

1	Ávdugas gii beston hávnna	741
2	Buorebut go Ipmil lusa	360
3	Čále Jesus iežat gova	178
4	De báze dearvan, ráhkis	356
5	De boahttet dii buohkat	73
6	De váldde dál mu giedaid	650
7	Don nuoraid Beasti	524
8	Du geainnuidat mu oahpat	466
9	Du soajáidat mu ala	713
10	Gal nuortan okt` bohtet	140
11	Go iddes beaivi badján	598
12	Go Jesus luittii sudduidan	507
13	Herrá lehkos gudnejahttojuvvon	448
14	Herrá min dál buressivdnit	76
15	Ipmil giedas buot fal lea	464
16	Jesus namma lea gal šearrat	393
17	Jesus vare sivdnidivččet	297
18	Jesusis mun lávllun	514
19	Juohke báikkis gos mun	212
20	Ládis Jesus, don gii váldet	496
21	Leage lahka, leage me luht`	526
22	Leat nahkárat mu čalmmis	711
23	Man ávdugas dát jovkkoš lea	70
24	Min nana ladni Ipmil lea	153
25	Mu Beastán, vielljan, ustiban	88
26	Mu váimmu háviid boađe dálkut	94
27	Mun árpmus, árpmus	486
28	Mun eallin ábi ald` borjjastan	738

29	Mun váttu siste vadjolan	163
30	<i>O jurddaš go leat čoagganan</i>	77
31	Oadjebasat ii gal sáhte	595
32	<i>Oru mu luhtte</i>	712
34	<i>Ráhkisvuohta mii boahtá</i>	675
35	Roahkkat leage go don leat	550

Ráhkisvuohta mii boahtá Ipmilis

*1. Ráhkisvuohta mii boahtá Ipmilis,
čielga ájan golggiida. Jaskes botni sis`,
čiegeš vuođu sis` gávnnat eallin dávvira.*

*2. Ráhkisvuohta mii boahtá Ipmilis,
boahtá moarsin čijahun. Lebbe fátmát dál,
boade don ge fal. Albmi dál lea almmuhun.*

*3. Ráhkisvuohta mii boahtá Ipmilis,
stuora, áidnu báhkkon lea, ráhkisvuođa sis`
gávnnat ráfi gis. Ipmil ráhkisvuohta lea.*

Čále, Jesus

*Čále, Jesus, iežat gova
sihkokeahtta váibmosan,
amas illu dahje moraš
veadjit eret sihkkut du.
Čále badjelčálan dán:
Jesus Nasareálaš,
guhte russiinávlejuvvui,
lea mu eallin ja mu gudni.*

O jurddaš, go leat čoagganan

1. *O jurddaš, go leat čoagganan
dat bestojuvvomat
dan siidii, gosa háliidan,
/: sii ledje dávjárat! :/*

2. *O geahča illuáirasiid,
geaid Hearrá vuolggahii.
Sii gávdnet doppe eatnagiid,
/: geaid sárdni jorgalii! :/*

3. *O gula ávvučuorvumiid,
maid joavku bajida
ja rámadusa lávlagiid
/: ja njuoras giitosa! :/*

4. *Du árpmu, Ipmil máidnut mii,
de gease lusat min
vai boahtit bassi heajaidii
/: buot ávdugasaiuin! :/*



Hearrá, min dál buessivdnit

*Hearrá, min dál buessivdnit
ja min várjal ohpihii!
Hearrá, divtte muođut báitit
árpmuinat min badjelii!
Hearrá, čuovggat
čalmmiidat
ieš min ala ráfiinat!
Áhčči, Bárdni, Bassi
Vuoigya,
leage min miel álo! Amen.*

Jesus namma lea gal šearrat

*1. Jesus namma lea gal šearrat,
ii dan jávkat oktage.
Dat gal bissu agálaččat,
ii dan loavtte mihkkege.
Dat gal čohkke stuorráid, smávvaíd,
ođđa oavssit ihtet das.
Das lea maiddái fápmu beastit
olbmuid sieluid láhppomis.*

Geardun:

*Jesus nama ferten eahccit,
dat mu sielu liekkada.
Sus gal fápmu lea mu beastit,
ii ge earás ovttasge.*

*2. Jesus namma, vuoi man hearvát
čuodjá almmis, eatnamis.
Ii leat gostege máilmmis
gávdnon dakkár jedđehus.
Dat buot moari jávkat okte
ja buot bahá čáskada.
Ja dan bassi nama bokte
Ipmil riika viidána.*

*3. Nu go stuora šelges čuovggas
Jesus namma ráhkkásit,
láhppon sieluid čoahkkái seavvá,
ja daid fátmmas` láđđásit.
Bohtos idja, beaivváš jávkos,
Jesus namma sevnnot ii.
Son gal doalvu beston joavkkus,
vuoittuin bajás almmiidii.*

Oro mu luhtte

1. *Oro mu luhtte! Eahket lahkan juo.
Seavdnjat juo boahtá - guoimmut, Hearrá mu!
Máilmmi veahkki lea hui nohkavaš.
Don veahkehemiid Beasti, oro dás!*

2. *Fargga mu eallinbeaivi vássán lea,
eatnama čuovggas lea juo gáidame.
Nuppástus lea fal dáppe bissovaš,
don nuppástuvvameahttun, oro dás!*

3. *Álo mun dárbbášan du suodjalus,
du haga in mun gávnná jedđehus.
Aivve du ovddas gáidá seavdnjadas.
Ija ja beaivvi, Hearrá, oro dás!*

4. *Go buressivdnidat, in bala šat,
hávit ja čierrun eai mu bávččagaht`.
Doddjon lea jápmin bahá seahčagas.
Du bokte vuoittán, Hearrá, oro dás!*

5. *Čájjet du ruossat munnje jápmimis,
seavdnjada áje eret váimmu sis` ,
de čuvges iđit munnje moddjá fas.
Eallin ja jápmin siste, oro dás!*

Jesus, vara sivdnidivččet

*Jesus, vara sivdnidivččet munnje bassi jurdagiid.
Vare don mu eallin livččet, gulašit mu rohkosiid
Vai, mun gitta jápmin rádjái dutnje gudnin ealášin,
dasto boadášin dan sadjái, gos lean ávdugasaiguin.*

De váldde dál mu gieđaid

*1. De váldde dál mu gieđaid ja láide mu,
vai oktii ollen siidii du albmásat.*

In máhte okto mannat, in lávkki ge.

Go don mu váivván láidet, de čuovun du.

2. De ale mu luht` earrán, muht` doala mu.

Mu sielu jaskkodahte, o ustiban.

Du julggiid guoras aivve mus suodji lea

du ala aivvestassii mun dorvvastan.

3. Jus mun du gievrras gieđa in dovdda ge,

de ávdugassan dahká du vuoignya mu.

De váldde dál mu gieđaid ja láide mu,

vai oktii ollen siidii du albmásat.

Mun árpmus, arpmus

*1. Mun árpmus, arpmus, árpmus lean,
du mánná oskku sis.*

Buot nođiin eret beassan lean,

du árpmuin Ipmilan.

*2. Mun árpmus, árpmus, árpmus lean
dál duođai čovdojun.*

Don saji, ráfi addán leat,

aiv` árpmus Ipmilan.

*3. Mus árpmus, árpmus, árpmus lea
dál ruoktu oskku sis.*

Go vuolggán, de lea siida mus

du luhtte Ipmilan.

Go iddes beaivi badján

1. Go iddes beaivi badján, mun Hearrá giedas lean.

Su sánis jeddehusa dán árrat vuolggat son.

Maid beaivvi mielde buvttuš dás, ilus, morrašis.

Mus fápmu Jesus namas lea rohkossoaji vuold'.

2. Movt dál ain muinna geavaš,

mun Hearrá giedas lean.

Leaš ganjal dahje modji, mu lahka Hearrá lea.

Jus mátki dáppe lossat, lean vuolás deddojun,

de almmi allatvuodas, su čalbmi gozit mu.

3. Go beaivi eahkes luoitát mun, Hearrá giedas lean.

Mun jaskadit su ovddas mu suddon dovddastan.

Son almmi árpmus addá ja engelsuodjalus,

ja bassi Ipmil fámuin buot badjel ráđđe son.

4. Go jápmin dáppe olat de Hearrá giedas lean.

Go čuovga mus dál jáddá, mun sáni oaččun sus,

ja mátkesoappi gihtii. Dál sielus ráfi lea.

Buot váivvit vajálduvvet go albmái ollen lean.

